



La Val arjunj la terza devēnta dô fila te na partida combatüda y sofrida in cina ala fin.

Les cinch partidas dles ultimes dôes edemes à dessigü ince pesè sōn les giames di sógadus tl

ultim fin dl'edema. Impò ne s' à la squadra nia fat sciampè i trèi punç, tignin bòt ala squadra da Neustift y mostran na gran determinaziun sòn le ciamp dl sport a La Val.

La partida mèt atira man cun na cherta ghela por l' atacant Emanuel, le arbiter à udü n fal de man daldöt inozënt. Atira é La Val che tol spo la partida tles mans, le gran druch fej rové i atacanc plö iadi a contlujiun. Plö iadi vëgn le pal splundrè cuntra porta dal limit dl'area, mo nia da nen fa, scialdi trës vëgnel devié o rebatü dala defenjiun aversara. Al 20ejim i gareta le gol al Neustift sòn na dijazenziun dla defenjiun ladina. Dala pêrt dërta ti sciampa le atacant al defensur y mèt le pal âlt amez por le compagn che le spizura de cé sura Sepl K. fora, le defensur Egon ne pordüj nia plö de trà demez le pal, oramai bel do la linia de porta. Al ne passà nia tröp che La Val reagësc y abina atira le pêr cun n bel stach de cé de Emanuel sòn na passada alta. Püch dô é ciàmò Michi, autur de na doplëta dl mercuri passè, che porta in vantaje La Val cun na trata dal önescmetri, gaujé dal defensur dl Neustift cun en fal de man.

An va ala palsa sòn le 2 a 1 por La Val.

Tla pröma pêrt dl secundo tēmp vëgn i ladins metüs sot a druch. Al 65ejim ti gareta indêre le eurogol a Emanuel, da trēnta metri ne sighita le atacant nia dui iadi a punsè, y scavalchëia insciö le verda porta cun n bel palonët.

La presciun dl Neustift se fej plö intensiva y püch dô ti gareta inçe al sterch sogadù amez, apëna ruvé te ciamp, na bela trata a bòt sigü dal limit sò tl'incrujiada dla porta, Sepl ne à nia poscibilitè a devié le pal . Püch dô, te n gran cajn tl'area de straufunga é Alexander sòn le dërt post al dërt mumënt y salva sòn la linea de porta na trata aversara. A fa alzè la tenjiun te ciamp

é ince le mandl fosch, sües dezijiuns inoportunns y nia motivades fej gnì nervusc i sógadus. Na bela ocajiun da gol al 80ejim, cun na bela trata daimprò al'area, abina Stefan de plëgn l'incrujada de porta. Ti ultims menüć mëss i ladins se parè dal gran druch dl Neustift, le resultat resta indere invarié y le arbiter sciüra la fin. La Val resta insciö a ée dla tlassifica. Da recordè che La Val à ince superè le pröm rode de Copa Provinzia.

Formaziun titolara:v1. Sepl Kantioler, 2. Ploner Martin 3. Paolo Vallazza, 4. Marco Castlunger , 5. Egon Frenes , 6. Freddy Sottara, 7. Marco Sottara , 8. Stefan Sottara – capitan, 9. Emanuel Dorigo, 10. Alex Elzenbaumer, 11. Michi Frenes

Alenadù: Floriani Claudio

Sostituziuns:

Max Nagler gnü ite imped Marco Castlunger (20[^] menüt)

Elmar Valentin gnü ite imped Martin Ploner (60[^] menüt)

Manuel Stampfer gnü ite imped Michi Frenes (70[^] menüt)

Alexander Miribung gnü ite imped Egon Frenes (75[^] menüt)

Adrian Miribung gnü ite imped Marco Sottara (78[^] menüt)

Resultac dles atres partidas: [RESULTA C](#)

Insëra, mercui ai 23 de aurì él gnü sughé l'andata dla semifinala de Copa Provinzia contra la squadra da Ritten, che süga le campionat trê te 3 categoria mo te n ater girone. La squadra da La Val à incuntè na squadra sterscia, che à lascè udèi sües cualitês portan a ciasa la devènta por 2 a 0. Ai 7 de mà gnaral sughé le ritorno sön le ciamp dl Ritten.